



Iáh Thé:non ne Oién:kwara ne Ontario Kaianerénhsera 2005

Tsi Nahó:ton ki Kaianerénhsera Neniá:wen:ne tsi nenkwá ne
Iontientahkhwaniónhkhwa Tehshakotíhshnie

Karihwakwe'ní:io

- Iáh Thé:non ne Oién:kwara ne Ontario Kaianerénhsera enhatí:reke entewatáhsawen Onerahtokó:wa 31, 2006.
- Ki Kaianerénhsera karihwáia'ks ne aiontshó:ko ne kahnó:ton kanonhskon tsi iakoio'ténion tánon ne kahnó:ton kanonhskónhshon tsi nonwéshon ne ón:kwe í:ien's ne Ontario, oh naiá:wen'ne ne aia-konónhstate ne iakoio'ténion tánon ne onkwehshón:'a tsi í:ien's ne tóhsa aiakokarón:ni ne tekeníhaton oién:kwara.

Iontientahkhwaniónhkhwa Tehshakotíhshnie ronateriiohseron'nón:ne, O'nikonhrà:ke tehshakotíhshnie.

Karihwá'éhston ne aiontshó:ko tsi nonwéshon ne kahnó:ton ne ón:kwe í:ien's tánon tsi iakoio'ténion, ne ronahtentiá:ton ne karakwenhá:ton ne iontientahkhwanionhkhwa, enwá:ton enioièn:take (CSA) tsi non ne ratí:teron ahontshó:ko.

Ne ki' kén:ton's ne ieiotkontáhkwen ié:teron táni' ne tiakó:ion iáh tetiakoio'ténion iontientáhkwa (LTC) ne tsi níká:ien ne Ministry of Health and Long Term Care táni ne Ministry of Community and Social Services thontká:wa's ne ohwísta tánon thotiniarotáhrhon. Ne ó:ni ne o'nikòn:ra tehshakotíhshnie ié:teron ne Mental Health Act, tánon ne Ronateriiohseron'nón:ne í:kare ne SFOA aoianerénhsera.

Ronaterihwaién:ni ne ronahtentia'tánion

Ne karákwen iontshokwáhtha ionaktó:ton (DRS), ne tsi kanataké:ron rotirihwanonhwé:'on, ó:nen nón:wa karihwá'éhston. Ne Ronahtentia'tánion enwá:ton enhatinaktón:ni ne iontshókwha (LTC) ne ieiotkontáhkwen ié:teron katokénhston tsi non khok enwá:ton eniontshó:ko (CSA). Ó:nenk tsi enhatíhsere tsi nikaianerenhseró:ten ne 18 iothiá:ton tánon Schedule 1 and 2:

(www.elaws.gov.on.ca/DBLaws/Regs?English/060048_e.htm). Kí:ken tsi nikaianerenhseró:ten ne thé:non aiekétsko tánon aionten;nikón:raren, ne CSA thó:ne entewatáhsawen ne Iotóhrha 31, 2006, tóka' enkaión:ton nahó:ten ne CSA kar'wanóntha, ohén:ton ne Ohiarí:ha 30, 2006, wathró:ris tsi enhánahne nahó:ten kari'wanóntha ohén:ton ne Ioróhrha 31, 2006.

Ronaterihwaién:ni ne ronténhnas

Akwé ne Ronténhnas ó:nenk:

- Orihwí:io enhrón:ni ne iakoió'tenion, ié:teron tánon ne tienatá:re's aiakoterièn:tareke tsi karihwa'éhston ne aiontshó:ko.
- É:ren shá:wíht ne ion'kenhriá:ktha tánon ne thé:non ne aiakónnia'te.
- Orihwí:io enhrón:ni ne iakoió'te, ié:teron, tienatá:re's tsi iáh thaitontshó:ko tsi nonwéhson kahnhó:ton iakoió'tenhstha.
- Tóka enhrón:ni ne katokéhnston iontshokwáhtha, ne raténhnha's ó:nenk tsi enháhsere ne kaianerénhsera khóni' ne ahahiatonhserohá:ren tsi iontaweiá:tha ne katokéhnston iontshokwáhtha ne wathró:ris ó:nenk tsi kén:'en enhsi'terón:take naón:ton ne ahsatshó:ko ne kénen Tsi niió:re tsi ió'tteron ne akota'karitáhtshera ne tekeníhaton oién:kwa oién:kwara iáh thaón:ton ne iakoió'ténion aiontáweia'te.

Enkahiatonhserohá:rake wathró:ris to niiá:kon khok enwá:ton eniontáweia'te

Enkahiatonhserohá:rake tsi kahnhokahrón:ton, átste ieienhtákhwa tánon kwah tsi nón:we ne aiakotó:kénhse. Tóka íhshere ahshié:na ne iehiatonhseroháhrha, aesathontá:ton sheri'wanón:ton's tsi senákere ata'karitáhtshera otióhkwa.

Katokéhnston iontshokwáhtha

- Tsi non karákwen ionáktaien ne iontshokwahtha, ó:nenk akwé enhatíhsere ne kaianerénhsera nahó:ten kari'wanóntha, khóni' ne kawerahserón:nis kanónhskon tánon ne enkahiatonhserohá:rake ne kaianerénhsera wathró:ris (é:neken ska'én:ion).
- Ne khok ne ié:teron enwá:ton eniontshó:ko (tienatá:re's enwá:ton skátne énsene ne ié:teron, nek tsi iáh ne 'eh thaón:ton aionáktote).
- Ne ié:teron ónhka í:ienhre aiontshó:ko tánon ki' iakokwénion akaonha:'ak eniontatié:nawa'se, iáh teiakoterihwaién:ni ne aiontáweia'te tsi iontshokwáhtha.

Iontshokwáhtha Wahskwáhere

Enwá:ton ne rohtentiá:ton enhakwatá:ko ne iontshokwáhtha ne átste. Tóka' én:rehre enhakwatá:ko ne iontshokwáhtha wahskwáhere ó:nenk khok tewahsónhtake khok tánon karonhkwe'náhere.

Enkaianerénhserá:ke

Tsi senákere ata'karitáhtshera otióhkwa enhonten'nikón:raren ahatíhsere ne kaianerénhsera tánon tóka thé:non ónhka aierihwá:ren.

Kahnhíhtshera

Ne aiakóhnhí'ke tsi karihwa'éhston ne aiontshó:ko, Iáh tekatokéhnston to ní:kon ne rohtentiá:ton, enho-karaièn:ni ne tenhaia'tó:rehte ne niiorihwa'saahshón:'a rariwènhtha. Ne tseia'tátshon aiakohnh'ke, \$5,000 niió:re eniakokaraièn:ta'ne.

Ki kahiatónhsera ne khok ka'nikonhraientáhtha. Tóka íhsehre ísi non aesató:kenhse', aesathontá:ton sheiátken's ne tsi senákere ata'karitahtshera otióhkwa.

Ken' ó:ni enwá:ton iahsatewennáta, iáh teioká:raien

- **INFOLine** 1-866-396-1760
- **TTY** 1-800-387-5559

Tsi nikahá:wi kahnhó:tonkwen Awententa'ón'ke – Ronwaiatanentaktóhne 8:30am – 5:00pm.

Ne ísi' non aesató:kenhse ne Iáh Thé:non ne Oién:kwara ne Ontario Kaianerénhsera, aesathontá:ton iah-sheiátken's ne Ontario Ministry ne Health Promotion tsi tewa'á:raton: http://www.mph.gov.on.ca./English/health/smoke_free/legislation.asp.

Onerahtokó:wa 2006